

**PRAVILNIK  
O IZGLEDU I OBILJEŽAVANJU VOZILA  
MINISTARSTVA UNUTRAŠNJIH POSLOVA  
TUZLANSKOG KANTONA**

**I - OSNOVNE ODREDBE**

**Član 1.**

**(Predmet Pravilnika)**

Ovim pravilnikom uređuju se izgled i obilježavanje vozila Ministarstva unutrašnjih poslova Tuzlanskog kantona (u dalnjem tekstu: MUP TK-a)

**Član 2.**

**(Pojam vozila)**

- (1) Vozilom, u smislu ovog pravilnika, smatraju se motorna vozila koja se koriste za obavljanje poslova koji se organizuju u okviru Uprave policije i Ministarstva.  
(2) Motorno vozilo iz stava (1) ovog člana obuhvata i motore i motorne čamce, koje Uprava policije koristi za obavljanje poslova iz nadležnosti Specijalne policijske jedinice, kontrolu saobraćaja i sl.

**Član 3.**

**(Ovlaštena lica za korištenje motornih vozila)**

Vozilima koja su utvrđena ovim pravilnikom upravljaju i održavaju ih policijski službenici, državni službenici i namještenici koji su postavljeni i raspoređeni na radnim mjestima u okviru Uprave policije i Ministarstva.

**II - IZGLED I OBILJEŽAVANJE VOZILA  
MINISTARSTVA I UPRAVE POLICIJE**

**Član 6.**

**(Izgled motornih vozila)**

- (1) Motorna vozila iz člana 2. ovog pravilnika su obojena kombinacijom bijele i tamnosive boje, oznake "7021" (prema katalogu RAL, fabrike boja "SIKKENS"), na način kako je utvrđen odredbama članova 7. do 12. ovog pravilnika.  
(2) Gornja i donja ivica tamnosive površine iz stava (1) ovog člana prekrivena je fluorescentnom tamnocrvenom trakom, širine 5 mm.  
(3) Prekrivanje tamnosive površine na vozilima umjesto bojenja može biti izvršeno i samoljepivom folijom.

**Član 7.**

**(Obilježavanje motornih vozila)**

- (1) Vozila se obilježavaju tako da su tamnosivom bojom prekrivene površine između horizontalne ukrasne gumene lajsne te gornje ivice prednjeg i zadnjeg branika na bočnoj strani vozila i pregiba koji se ispod donje ivice zadnjih pokazivača pravca proteže prema gornjoj ivici glavnih farova, cijelom dužinom vozila.

(2) Na zadnjoj strani vozila tamnosivom bojom prekrivena je površina između gornje ivice branika i horizontalne linije koja se nalazi ispod donje ivice zadnjih pokazivača pravca, a na prednjoj strani vozila prekrivena je površina između gornje ivice prednjeg branika i ukrasne plastične maske.

(3) Na prednjem rubu poklopca motora, lociranom između glavnih svjetala za osvjetljenje puta i iznad prednje ukrasne maske, nalazi se fluorescentna tamnocrvena traka širine 5 mm.

(4) Na sredini sive površine prednjih bočnih vrata i na sredini poklopca motora nalazi se natpis "POLICIJA".

### Član 8.

#### (**Ostala vozila koja se koriste za poslove policije**)

(1) Ostala motorna vozila koja se koriste za obavljanje poslova iz člana 2. ovog pravilnika obojena su tako da se bočna tamnosiva površina nalazi između linije locirane u visini gornjeg ruba horizontalne bočne ukrasne lajsne (odnosno gornjeg ruba prednjeg i zadnjeg branika) i prvog bočnog horizontalnog pregiba, gledano u pravcu bočnih stakala.

Visina tamnosive površine na bočnim stranama vozila ne može biti manja od 230 mm.

(2) Na zadnjoj strani vozila prekrivena je površina između gornje ivice branika i horizontalne linije koja se nalazi u visini gornje ivice lijeve i desne bočne tamnosive površine.

(3) Na sredini sive površine prednjih bočnih vrata i na sredini poklopca motora nalazi se natpis "POLICIJA".

### Član 9.

#### (**Označavanje naziva motornog vozila**)

(1) Natpis "POLICIJA" koji se nalazi na bokovima ili na zadnjoj strani vozila dug je 860, a visok 150 mm, a natpis koji se nalazi na poklopcu motora dug je 790, a visok 150 mm.

(2) Natpis "POLICIJA" izrađen je od fluorescentne samoljepljive folije u boji suprotnoj od boje podlage, u pismu "Swiss com pressed-bold", a debljina linije kojom su ispisana slova iznosi 32 mm. Isti natpis može biti izведен i farbanjem.

(3) Ukoliko postoji potreba za povremenim skidanjem natpisa sa vozila, natpis "POLICIJA" može biti izведен i sa magnetnim lijepljenjem.

### Član 10.

#### (**Opremljenost motornih vozila uređajem za davanje zvučnih i svjetlosnih signala**)

(1) Motorna vozila iz člana 2. ovog pravilnika opremljena su uređajem za davanje posebnih zvučnih i svjetlosnih signala, propisanih za vozila sa pravom prvenstva prolaza, odnosno za vozila pod pratnjom.

(2) Izuzetno, mogu biti opremljena uređajima iz stava (1) ovog člana i motorna vozila koja koristi ministar unutrašnjih poslova, odnosno policijski komesar.

(3) Uređaji iz stava (1) ovog člana mogu se koristiti samo kada je to neophodno zbog hitnosti i sigurnosti izvršenja zadataka.

(4) Uređaji iz stava (1) ovog člana ugrađuju se iznad krova vozila u visini zadnje ivice prednjih vrata, s tim da pojedina motorna vozila iz člana 2. ovog pravilnika mogu biti opremljena pokretnim uređajima za davanje svjetlosnih i zvučnih signala, ili isti mogu biti ugrađeni u prednju masku vozila.

### **Član 11.**

#### **(Izgled i obilježavanje motora, glisera i dr.)**

Motorna vozila iz člana 2. stav (2) ovog pravilnika obilježavaju se i izgledaju tako da se na bočnim stranama vozila nalazi natpis "POLICIJA", koji se izrađuje u skladu sa članom 8. ovog pravilnika, prilagođenih dimenzija.

### **Član 12.**

#### **(Izgled motornog vozila za kojim je prestala potreba za njegovim korištenjem)**

Kada prestaje potreba za korištenjem motornih vozila iz ovog pravilnika (prodaja, doniranje vozila ili njegovo uništenje), ta vozila se moraju obojiti tako da vozilo u cijelini bude jednobojno, uklonjeni svi natpisi i obilježja te demontirana sredstva veze i uređaji za davanje posebnih zvučnih i svjetlosnih signala koji su postavljeni u skladu s ovim pravilnikom.

## **III - PRELAZNA I ZAVRŠNA ODREDBA**

### **Član 13.**

#### **(Stupanje na snagu Pravilnika)**

Ovaj pravilnik stupa na snagu danom donošenja.

Broj: 08-01/02-2-271/15

Datum: 08. 09. 2015. godine

Ministar

**mr. Husein Topčagić**